



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Methodus Clara Et Facilis Vacandi Orationi mentali Atque Exercendi se cum fructu in præsentia Dei**

**Coloniæ Agrippinæ, 1687**

Caput XIX. De tempore pomeridiano ritè transigendo.

[urn:nbn:de:hbz:466:1-46004](https://nbn-resolving.org/urn:nbn:de:hbz:466:1-46004)

## 470 SPIRITUS ACTIONUM

*Directio pro addiscenda arte cantandi.* Do-  
 „ mine , cupio idoneum mereddere ad tuas  
 „ in choro canendas laudes , quoniam ad  
 „ eum Religiosum me statum vocasti , in  
 „ quo teneor imitari vitam antiquorum Pa-  
 „ trum nostrorum , ac primorum Religioso-  
 „ rum , qui Psalmis & Hymnis tuæ gloriae de-  
 „ cantandis diu noctuque vacabant. Gra-  
 „ tiam itaque , rogo te , da mihi , ut artem hanc  
 „ adeò benè addiscam , ut pro parte quoque  
 „ mea ad antiquum conservandum divini of-  
 „ ficii splendorem , qui nunquam in hoc Or-  
 „ dine nostro quaesitus non fuit , contribuam.  
 „ Tu , virgo Sacratissima , vosque sancti & ele-  
 „ cti Dei , in quorum honorem toto anni cur-  
 „ riculo , & speciatim per hebdomadam  
 „ istam , in Ecclesia divinum decantatur offi-  
 „ cium , vestro mihi hic adeste atque opem  
 „ ferte interventu.

## CAPUT XIX.

*De tempore pomeridianorite  
transigendo.*

**S** ANCTI Spiritus consilium per Salomonem  
 nobis suggestum audiamus : *Mane semina*  
 Eccl. 11. *semen tuum , & vespere ne cesset manus tua :*  
 6. *quia nescis , quod magis oriatur , hoc aut illud , &*  
*si utrumque simul , melius erit : atque si dice-*  
 ret : incipe à summo mane per bona opera  
 seminare semina piorum ac devotorum exer-  
 citiorum , neque ab illis sub vespere de-  
 siste , quoniam ignoras , utrum hæc an illa tibi  
 magis

magis sint proficua, atque ad obtinendum à Deo benedictionem idonea: quod si ista æquè atque illa sint Deo accepta, ac tibi utilia, eò melius erit tibi.

Istius consilii usus in eo situs erit. 1. Ut quis fastidio, quod sæpius Religiosis conciliat dæmonium meridianum, ut è cellulis suis illos egredi faciat, ne succumbat. Etenim sibi ipsis inferre vim debent, ut in illis constanter persistant, dicentes cum illo, quo de mentio fit in vitis patrum: *Propter Deum hic sedeo. & parietes istos custodio.*

2. Ut repugnet somnolentiæ, scriptioni aut alteri cuiquam occupationi, somnum arcere quæ queat, vacando, veluti hocce disticho exprimitur.

*Nunc lege, nunc ora, nunc cum fervore labora.  
Sic erit hora brevis, sic labor ipse levis.*

3. Ut nulli omninò, quisquis ille sit, accessum permittat, qui temporis causare posset jacturam colloquendo, sive ad cellulæ januam, id quod aliàs prohibitum quoque est, sive aliò quopiam cum ipso sese conferendo ad confabulandum de illis, quæ reverà necessaria non sunt. Ad hoc plurimùm conducet, si consideret

1. Id quod dicebat beata Britannia Ducissa Francisca de Ambasia nostri ordinis Religiosa: fore nimirum, ut nulla de re Deus ita exactam repetiturus ab animabus Religiosis sit rationem, atque de temporis jactura,

2. Singula illius momenta esse perquam pretiosa, quoniam nullum est, in quo novum cœlestis gloriæ gradum promereri non queamus.

3. Tempus nunc esse misericordiæ, quo recto tramite incedendo ac dignos pœnitentiæ fructus faciendo pacem cum Deo nostram constituere possimus.

4. Fore, ut in hora mortis lætemur, quòd in meritis pro æternitate nobis conciliandis fideles extiterimus.

5. Satis esse, quod multum vitæ nostræ temporis vanitati atque inutilitati mundi impenderit, jamque nobis amissi temporis jacturam esse resarciendam, veluti Apostolorum vertex ait: *Sufficit prateritum tempus ad voluntatem gentium consummandam.*

1. Pet. 4. 3.

6. Negligendam nequaquam nobis gratiam esse, quam Deus nobis concedit, quamque pluribus, qui in interno jam agunt, denegavit, concedendo nobis tempus vitæ nostræ emendandæ ac nostrarum expiandarum noxarum.

7. Denique quod si animabus damnatis vel temporis, quod nos culpâ nostrâ amittimus, quadrantem horæ indulgeret, converterentur, atque in gratiam cum Deo ut redirent, conniterentur. Eapropter in die judicii Justitiam exacturæ sunt contra illos, qui rem adèd pretiosam ita liberè dilapidaverunt.

Omnes istæ considerationes depromptæ sunt ex Divo Bernardo, cujus egregia ac sententiosa verba sunt ista: *Nemo vestram par-*

vi aestimet tempus, quod in verbis consumitur otiosis: volat verbum irrevocabile: volat tempus irremediabile, nec advertit insipiens, quid amittat. Licet fabulari, dicunt, donec hora pratereat. O! donec pratereat hora, quam tibi ad agendam pœnitentiam, ad obtinendam veniam, ad acquirendam gratiam, ad promerendam gloriam, miseratio conditoris indulget. Donec transeat tempus, quo divinam propitiare debueras pietatem, properare ad Angelicam Societatem, suspirare ad amissam hereditatem, excitare remissam voluntatem, flere commissam iniquitatem. Serm. ad Schol.

## CAPUT XX.

*Exhortatio sive lectio  
Spiritualis.*

**E**X illa ut proficiamus, simplicem ac docilem animum adhibeamus est necesse, illis enim, qui hujusmodi sunt, cœlestis Doctrinæ gustum impetiri Deus consuevit. *Abcondisti hæc à sapientibus & prudentibus, & revelasti ea parvulis.* Cor etiam habere debemus affectum desiderio addiscendi veritatem & placita nostri status Religiosi, illa ut ipso opere perficiamus: scriptum est enim, verum ac sincerum discendi desiderium esse primum gradum, qui nos ad sapientiam deducat. *Initium sapientiæ verissima*

Matth. II.

25.

Sap. 6. 13.

G g 5

est